

吳
興
藝
文
補

吳興藝文補卷之五十一目錄

程大昌

見前

宿直留呈平園

冬近

次韻陸務觀海棠

葛郭

立方長子

留友人

梅花

周必大

送葛謙問

鄒運幹

葛鄒見前

李秀叔生日

送芮國器察院漕廣東

次韻芮漕國器憶去年上元二首

次韻廣東芮漕時聞其部中寇退而湖湘民方避

來此

次韻戲答程泰之

寄程同年

送徐漕

度

移憲浙東二首

徐度高公

文華閣學士沈持要樞挽辭二首

叅政李秀叔

彥頴

挽辭二首

走筆答程泰之以簡問蓮社事

七月十九日六曹長貳六人往浙江亭觀潮予以

內直不赴晡時大雷雨走筆戲泰子平

沈

潘良貴

方隱君勺居湖州西溪號泊宅翁

陳晔

題廣福寺振玉軒

遊曉覺寺

長興

又題曉覺寺

程以南

茗溪晚泊

游似

見前

黃鶴樓

林仰

赴官武康投宿客邸作

王嶠

寓公

登更好堂同景思少卿表丈韻

陸游

周元吉蟠室詩

元吉名頴長興人

程泰之尚書挽詞二首

夢韓無咎王季夷諸公

無咎名元吉季夷名嶠

和周元吉右司過弊居追懷南鄭相從之作

送施武子通判

見前

送芮國器司業二首

過玉山辱芮國器檢詳留語甚勤因寄此詩兼呈

韓無咎右司

寄王季夷

莫秋有懷王四季夷

哭王季夷

紹興中與陳魯山王季夷從兄仲高以重九日同
遊禹廟後三十餘年自三橋泛舟歸山居秋高
雨霽望禹廟樓殿重複光景宛如當時惟二人
者皆下世子亦衰病無聊慨然作此詩

題施武子所藏楊補之梅

題宣律師畫像 道宣

讀王季夷舊所寄詩

過武連縣北柳池安國院煮泉試日鑄顧渚茶

送綽姪住庵吳興山中二首

題薊子訓像 薊子訓墓在歸安長超山

范成大

姑惡 并序

太暑舟行舍山道中雨驟至霆奔龍掛可駭偶成

古詩

次韻姜堯章雪中見贈

與吳興薛士龍使君遊弁山石林先生故居

自石林回過小玲瓏巖竇益奇昔爲富人吳氏所
有今一子尚幼山檢校于官

倪文舉奉常將歸東林出示綺川西溪二賦輒賦
長句爲謝且以贈行

文舉名偁恩父

烏戍密印寺

送溫伯歸福唐納婦且約復遊霅川

渡太湖

次韻袁起巖提刑遊金焦二山三首

袁起巖見前

次韻起巖喜雪

枕上聞雪復作方以爲喜起巖再示新詩復次韻
起巖又送立春日再得雪詩亦次韻

次韻袁起巖端麥此麥兩岐已黃熟其間又出一
青枝亦已秀實傳記所未載也

次韻袁起巖甘雨卽日應祈

次韻袁起巖送示郡沼雙蓮圖

次韻袁起巖喜雨

再次喜雨詩韻以表隨車之應

三次喜雨詩韻少伸賀頌

寄題林景思雪巢六言三首

景思名憲見前

元夕泊丹霄川

送同年萬元亨知階州三首

元亨名鍾見前

次韻袁起巖常熟道中三絕句

次韻袁起巖許浦按教水軍二絕句

次王正之提刑韻謝袁起巖知府送本利二絕

再賦郡沼雙蓮三絕

濯纓亭在吳興南門外

題米元暉吳興山水橫卷

弔陳叔寶祠

程允萬

武康介

證道寺次毛東堂韻

童敏德

游湖州題顏魯公祠堂

尤袤

別林景思

陳貴誠

郡倅

禪師塔

武康

釋道全

題林景思雪巢二首

王天覺

大雲寺清泉池

長興

倪思

港灘

陳傅良

作南塘記郡守沈持要以詩來謝次韻奉酬

持要名樞

賀罷守沈持要賞棋之什

和沈帥持要張漕季長韻二首

送沈帥

送倪正甫侍郎賀正

正甫名思

和沈守持要觀潮閣留題

和沈守持要題謝公樓額

沈守生日

觀南塘四首呈沈守

袁起巖會飲湖上出示古刻酒罷各攜桂花以歸
因成一絕

又和

劉坦之

吳興人

辭靈康廟留題

林憲

見前

寓天台水南四首

天台萬年山羅漢樹

丹丘書懷

梅花二首

台州堯率寺淳熙三年孟春作

史君沈虞卿宗丞命賦郡圃羅漢樹其樹葉如楊
梅經冬不凋生子若羅漢然史君云奇特古怪
前所未見也

題國清寺清音亭

章良能

見前

題李伯特飛騎習射圖

關文

樓鑰

題孟東野聽琴圖因次其韻

程文簡公挽詞

大呂

沈憲敏公挽詞

樞

周左司挽詞

周頡長典人

送倪正父侍郎使虜

爲倪正文尚書題壯懷堂扁以詩來謝次韻

送倪正父尚書守南徐

題施武子所藏醉白堂記

有片

次韻李孟達使君與林雪巢子季武詩

題施武子所藏老融二牛圖

袁說友

游暑後出東城村步

蕭客借重金紫綬

許浦按教水軍

章謙亨

見前

雲巖

章巖

西湖觀梅

祖教寺

祖教寺

祖教寺

ノ

吳興藝文補卷之五十一

烏程董斯張遐周彙編

閔元衢康侯叅輯
韓千秋聖開增定

宿直留呈平園

程大昌

抖擻身章却冒塵
裊蹄顧影也逡巡
鑿坡寓宿非其地
蓮燭操文自有真
宇直由來同古語
位高兼復見今人
迎潮有諾無輕爽
季老當年不諉貧

冬近

程大昌

世間剝復每相乘
此理幾幾喚得應
萬木凍僵梅有信

黃河水合井如蒸

次韻陸務觀海棠

程大昌

喚回殘睡強矜持
淺破朱唇倚笛吹
千古妖妍磨不盡
長隨春色上花枝

留友人

葛鄂

良友間何濶
春事遽如許
勞君下鷗沙
一葉繫春渚
昨
夢墮前世
再見欣欲舞
聊呼花底杯
酒面點紅雨
狂歌
謝買珠清論
雜揮塵驪駒
未可歌妙句
須君吐

梅花

葛鄂

玉屑裝龍腦雲衣覆鶴臍何堪夜來雪香色兩凄迷

送葛謙問 郊運幹

周必大

少年扶犁事西疇老陪英遊帝王州才高韻勝各有得
志合情親君更優離筵忽席洛定鼎戍期云畢齊葵丘
君行共歎空冀比我哀謾作周南留欲持菊觴止君飲
單車已戒難停輶欲挽長條贈君別金城柳落空悲秋
惜別置勿道資望久合登瀛洲仙凡一隔在何許指點
蓬萊雲氣浮

李秀叔生日

周必大

泰陵耆舊日衰稿白也胡爲顏色好何曾山林採大藥
更說方書試鴻寶千年鼻祖翔大清至言八千壽長生
坐令耳孫守家法八十髮綠雙瞳明昨日人爲澹慮壽
今朝竹院笙歌奏二老風流總健強盛事它時恐難又
陛下聖德師文王作興銳欲恢封疆盍歸乎來不可緩
凜凜梁棟扶明堂

送芮國器察院漕廣東

周必大

星聚曾尊德箕張各避風別離雙鬢異邂逅一尊同五
嶺皇華使扁舟漁釣翁江分鴻不到書札若爲通

次韻芮潛國器憶去年上元二首

周必大

使節番禺重中朝社稷臣喜沉刁斗夜遠布玉墀春古

寺看紅葉

報恩寺菩提
葉燈最佳

蕃街試幻人餘歡曾盡否應記

繞梁塵

門外人隨月窓前竹動風老便佳節靜病幸綠樽空春
至鴻聲北人遙蝶夢東隔年詩有債生理固知窮

次韻廣東芮潛時聞其部中寇退而湖湘民方避
來此

周必大

笑酌貪泉爲賦詩凜然清節照南夷廡空不納如羊馬

才大常嗤捕鼠狸，盜已奔秦非地險。心遲去魯只天知，
愛君勤把歸鞍促。莫待鸞旗訪具茨。

病廢壺觴懶廢詩，漸叅禪悅學希夷。志非鴻鵠能憎燕，
路却豺狼更畏狸。節物怱怱愁裡度，人情擾擾靜中知。
已營二頃親臺笠，何日三間看墜茨。

次韻戲荅程泰之

周必大

天街並踏軟紅塵，飛鞚交馳駭徼巡。椒殿敢期當制草，
槐庭元擬用儒真。

初謂年兄
人相鎖院

鬻方偶免冬龜手，適市深

慚。旦攫人禮絕，同僚應有日。重霑潤筆，乃無貧。

相制亦
賜金

寄程同年

周必大

當年給札踏金鑿重到依然九月寒學士策諭學士策
館職亦合呼學士秘書官試秘書官自憐綠鬢非前度尚喜青

衫總一般

時子服綠

寄語浙東程閣老

程時爲浙東提刑兼權帥事亦嘗暫直翰

苑莫矜紅旆笑儒酸

送徐漕

度

移憲浙東二首

周必大

一去中臺十九年愛君憂國得華顛久疑使節留江上
稍喜除書近日邊寒碧軒窓餘舊句公于漕臺創寒碧軒且賦長句命同僚屬和汗青簡冊奏新篇公著國紀以續通鑑方繕寫進御文章入相公

家舊沙路從今穩着鞭

滿歲蹒跚泮水間。獨公不作腐儒看。幾陪佳客芙蓉幕。
聊慰窮愁苜蓿盤。此去高山空自仰。向來流水爲誰彈。
冠鞭截鐙知無益。但覺輪囷激肺肝。

華文閣學士沈持要樞挽辭二首

周必大

百篇與竅上規姚。一代英靈水出苕。使節帥符周郡國。
天臺儲禁切雲霄。趨庭祿養連三組。御極恩章接四朝。
行馬施門兼五福。死生窮達祗鴛鴦。

宦遊到處績皆疑。名遂歸來望更增。棊勢盡纒饒國手。

蒲團夜坐教禪僧風標骨憶清如鶴書札頻通細若蠅
戲綵堂空詩版在禾興耆舊傳吳興

叅政李秀叔

彥穎

挽辭二首

周必大

憶昨淳熙謹萬微再登耆哲貳繁機

孝宗朝惟公與鄭仲益兩為叅政

謀猷入告宸心沃俊乂旁招物望歸惠歛十連遺愛遠

年開九秩近臣稀全名備福公何憾念舊傷情涕自揮

十載山林號後谿三朝鐘鼎列前疑進賢自許唐師德

持論人推漢望之

倪正甫侍郎公門生也作行狀專以蕭望之比公且載公慕婁師德之語

玉立諸郎傳素業金聲高第振清規送車遠莫陪千兩

誅行深慙措一辭

走筆荅程泰之以簡問蓮社事

周必大

杏壇儼雅猶難考蓮社荒唐孰肯知好把鍾山爲傲鑒
瞿聃留作晚年師

七月十九日六曹長貳六人往浙江亭觀潮予以

內直不赴晡時大雷雨走筆戲蔡子平

洗

周必大

雷轟萬鼓勒潮回無復庭前雪作堆應爲尚書慳且並
盲風恠雨一時來

方隱君勺居湖洲西溪號泊宅翁

潘良貴

學道悠悠未見功敢云凡質有仙風
他年一鉢江湖去
先向茗溪訪葛洪

題廣福寺振玉軒

陳 峴

小軒架寒溜激激鳴水蒼老僧不慚惜惜與一榻涼枕
流慙懋息清殿襲衣裳蟬聲亦多思牽引晝夢長俗慮
頓消處栩栩無何鄉翻嫌市塵中吏隱殊相妨未賦淵
明歸祗益袁君狂平生不勇決戀戀粟一囊何如水西
頭飛雲共徜徉日尋方外游煮茗燒竈香此致渺未遂

嘯歌空自傷，坐待山月明。
拿舟泛滄浪。

遊曉覺寺

在長興

陳覲

肩輿行到竹邊村，竹裏僧房盡閉門。
小洞頗聞三里近，殘僧僅有一人存。
旋沽薄酒欺寒力，未怯春泥踏雨痕。
咲覓梅花伴歸去，斷橋流水月黃昏。

曉覺寺

陳覲

村落人家燈火微，暮寒半掩竹間扉。
行行不管東風惡，折得梅花帶月歸。

茗溪晚泊

程以南

一咲若溪上微茫駐日曛鷺沙行不字魚水押回紋曉
色三家市秋容幾樹雲行藏知有分莫誦北山文

黃鶴樓

游

似寓
公

長江巨浪拍天浮城郭相望萬景收漢水北吞雲夢入
蜀江西帶洞庭流角聲交送千家月帆影中分兩岸秋
黃鶴樓高人不見却隨鸚鵡過汀洲

赴官武康換宿客邸作

林 俯

巾子山頭一枕風皇華亭下水連空山靈不用回俗駕
儻有田園吾欲東

登更好堂同景思少卿表丈韻

王嶠寓公

萬里同行一瘦筇，尋山問水有先容。
更窮天姥投南路，已過台山第幾峰。
從此又隨雙澗月，不妨曾聽五峰鐘。
却從更好堂前望，滿眼詩材思不供。

周元吉蟠室詩

陸游

天下有廣居，非阿房，建章，賓館，
及月園，關陰，與陽，山，
川坦然平，何者爲藩牆，孔公暨瞿聃，
同坐此道場，哀哉，
世日隘肝胆，分界疆，感縮戰，
蝸角崎嶇，走羊腸，
向光早，得道所證，非復常，
小室，古城隅，
宛如野僧房，
能容人天。

衆雜沓來燒香三萬二千人各據獅子牀實際正如此
切忌錯商量須彌芥子話今夕當舉揚

程泰之尚書挽詞二首

陸游

文古唐元結經明漢仲舒三朝八坐貴千載九丘書早
接遊從末常聞議論餘死生今永訣追恨寄聲疎
昔在紹興末同趨行殿門方思尋宿好忽已奉遺言誄
行曲臺議飾終明主恩高皇舊朝士今復幾人存

夢韓无咎王季夷諸公

陸游

積雪欲照夜老鷄方唱晨諸公逝已久幽夢忽相親話

舊慙懃意追歡見在身悠然又驚覺撫枕一悲辛

和周元吉右司過槃居追懷南鄭相從之作

陸游

梁益東西六十州太行臺出北防秋閱兵金鼓震河湟
縱獵狐兔平山丘露布捷書天上去軍諮祭酒幄中謀
豈知今日詩來處日落風生蘆荻洲

送施武子通判

陸游

初入脩門鬢未秋安期千里接英遊退歸又散前三衆
邁往欣逢第一流只道升沉方異趣豈知氣類肯相求

龍鍾不得臨江別，目斷西陵煙雨舟。

送芮國器司業二首

陸游

此心知我豈非天，雙鬢皤然氣浩然。曾見灰寒百僚底，
真能山立萬夫前。洛城霜重聽宮漏，管水雲深著釣船。
拈起吾宗安樂法，人生何處不隨緣。

往歲淮邊虜未歸，諸生合疏論危機。人材衰靡方當慮，
士氣崢嶸未可非。萬事不如公論久，諸賢莫與衆心違。
還朝此段宜先及，豈獨遺經賴發揮。

過玉山辱芮國器檢詳留語甚勤，因寄此詩兼呈

韓无咎右司

陸游

遼東歸老白襦裙名字何堪遣世聞便謂與公長契濶
不知留語故慙慙詩章有便猶應寄祿米無多切莫分
舊見檢詳俸甚薄故有此戲 倘見右司煩說似每因風月愴離羣

寄王季夷

陸游

平生吾子最知心巴蜀飄零歲月侵萬里喜聞身尚健
五更惟有夢相尋插花意氣狂如昨中酒情懷病至今
共約莫年須強飯天台廬阜要登臨

莫秋有懷王四季夷

陸游

鏡湖西畔小茅茨紅葉黃花秋晚時
天濶素書無雁寄
夜闌清夢有燈知功名蹭蹬初何憾
朋舊乖離未免悲
遙想扁舟五湖口阻風中酒又成詩

哭王季夷

陸游

迢迢天馬渥洼來萬里修途忍勒回
爽氣卽今猶可想
舊遊何處不堪哀夢中有客徵錢錦
地下无爐鑄橫財
欲耐一樽身尚病鬣封春露濕蒼苔

紹興中與陳魯山王季夷從兄仲高以重九日同遊
禹廟後三十餘年自三橋泛舟歸山居秋高雨霽望

禹廟樓殿重複光景宛如常時而三人者皆下世子
亦衰病無聊慨然作此詩

陸游

重樓傑閣倚虛空紅日蒼煙正鬱葱鄉國歸來渾似鶴
交朋零落不成龍人生真與夢何校我輩故應情所鍾
淚漬清詩却回棹不眠一夜聽鳴蛩

題施武子所藏楊補之梅

陸游

補之寫生梅至簡亦半樹此幅獨不然豈畫橫斜句

題宣律師畫像

陸游

秀目大頭顏英姿舉世無平生一瓦鉢何處有天厨

讀王季夷舊所寄詩

陸游

燈前忽見季夷詩，淚洒行間不自知。
醉別西津如昨日，

露晞漚滅已多時。

余在京口與季夷別遂不復相見

過武連縣北柳池安國院煮泉試日鑱顧渚茶

陸游

我是江南桑苧家，汲泉閒品故園茶。
只應碧釜蒼鷹爪，

可壓紅囊白雪芽。

日鑱貯以小餅，碾紙丹印封之。蒸渚時以紅藍縑囊，皆有歲貢。

送綽姪任庵吳興山中二首

陸游

一盃淡粥不烹蔬，

綽居山粥飯外菜亦不食

自占雲根結草廬，非

佛非心猶坐斷定知不看夾山書

湖海相從十日留頗哀老子鬢驚秋目光猶射車牛背
不用殷勤舉話頭

題薊子訓像

陸游

世上年光東逝波咸陽銅狄幾摩挲神仙不死成何事
只向秋風感慨多

姑惡

并序

范成大

姑惡水禽以其聲得名世傳姑惡其婦歸死所化東
坡詩云姑惡姑惡姑不惡妾命薄此句可以泣鬼余

行若霄間始聞其聲晝夜哀厲不絕客有惡之以爲
此必子婦之不孝者予爲作後姑惡詩

姑惡婦所云恐是婦偏辭姑言婦惡定有之婦言姑惡
未可知姑不惡婦不死與人作婦亦太難已死人言尚
如此

大暑舟行含山道中雨驟至霆奔龍掛可駭偶成

古詩

范成大

隕雲震前驅連鼓訖後殿駭駭失高丘擾擾暗古縣白
龍起幽蟄黑霧佐神變盆傾耳雙攢斗暗目四眩帆重

腹逾飽滂潤鳴更捷圓漪暈雨點濺滴禿波面伶俜愁
孤鴛颺閃亂饑燕麥老枕水卧秧穉與風戰牛蹊炭城
沉蟻隧洶甓建水車競施行歲事敢休宴咿啞嘯篋鳴
鞭漣連鎖轉駢頭立婦子列舍望宗伴東枯駭西潰寸
涸驚尺澱嗟余豈能賢與彼亦何辯扁舟風露熱半世
江湖徧不知憂稼穡但解加飧飯遙憐老農苦敢厭游
子倦

次韻姜堯章雪中見贈

范成大

玉龍陣長空
北忽先犯鱗甲寒天飛戰逐三百萬嘗

時訪戴舟卻訪一寒范新詩如美人蓬華愧三粲

與吳興薛士龍使君遊弁山石林先生故居

范成大

白蘋有嘉招蒼弁得勝踐會心不憚遠乘興恐失便籃
輿犯窮膈共作忍寒面冥濛雲釀雪浩蕩風落厓松篁
漸清幽猿鶴或悲怨英英文章公作舍鎖慈菴巖峯俯
前榮佳木秀諸院窮搜發山骨林立侍談讌西巖踞熊
虎東巖峙屏按履綦故彷彿蓋瓦已零亂經營三十年
成毀一飛電摩挲土花碧小立爲三歎

自石林回過小玲瓏巖竇益奇昔爲富人吳氏所
有今一子尚幼山檢校于官

范成大

一丘乃中虛洞穴四無礙却畧巖岫杳黝糾石狀恠蒼
牛飲前池碧罇灑微瀨雕鏤具百巧圖畫窘于態哀湍
瀉壞磴凍雨濕空翠疎梅照草棘瘦竹拔蹊隧當時閭
閻了日力在塵外孤童藐難料奇事疑有待誰歟千金
捐來換把茅蓋不仙亦足豪衆塚皆累塊我評北山遊
勝絕此無對玲瓏詎見小孰能爲之大

倪文舉奉常將歸東林出示綺川西溪二賦輒賦

長句爲謝且以贈行

范成大

綺川亭上凌雲賦人在回仙舊遊處誰教書劔走長安
荻月楓霜等閑度朱門不灸釣竿手萬卷難供折腰具
偶然把筇憶尊羹乞得閑官徑呼渡江漲橋頭有渡船
船頭歷歷東林路雲煙如畫水如天笑憶紅塵問良苦
我亦吳江一釣舟蟹舍漂搖幾風雨因君賦裏說江湖
破帽寒驢明亦去鷄犬相聞望可見鷗鷺同盟心已許
相過得得款溪門雪夜前村聽鳴榔

烏戍密印寺

范成大

青堆溪上水平堤

烏堆東岸
謂之青堆

絳瓦參差半掩扉我與聖

公俱客寓人傳帝子尚靈威勝緣齟齬三重障志士辛
勤十載歸花木禪房都不見但餘蝙蝠晝羣飛

送溫伯歸福唐納婦且約復遊霅川 范成大

攬秀堂前一笑傾都忘身世兩浮萍扶藜處處從君賞
落筆時時得我驚荔熟閩山勞夢想蘋香茗水約逢迎
祗愁誤入桃源後彼此車輪四角生

渡太湖

范成大

囊風閣兩半陰晴慘澹誰知造化心委命沈浮惟一葉

計身輕重亦千金紅塵猶道不勝險白浪莫嗔如許深
晚得薊山堪寄纜臥聽鬣吼與龍吟

次韻袁起巖提刑遊金焦二山二首 范成大

二山巉絕照南州俯看牙樯總芥舟日腳鎔金浮巨浸
波聲翻雪憾高丘鐘聞兩岸詩無敵口吸西江話已酬
別有英雄懷古意他年擊楫誓中流

憶曾歸自雪邊州帆落中流小繫舟食蛤坐來期汗漫
駕鴻飛去揖浮丘臥遊久矣無登覽辱贈楚然有唱酬
寂寞東臯舒嘯後爲君濡筆賦臨流

次韻起巖喜雪

范成大

吹成一雪便吹殘，風伯無端豈坐慳。
夜報飛花平瓦壘，曉驚疎雨落簷間。
休教凍解魚龍小，更待誠通虎豹關。
準擬姑蘇臺上看，春前三度老青山。

枕上聞雪復作方以爲喜起巖再示新詩復次韻

范成大

三白何憂稼穡艱，天於玉粒未吾慳。
不知夜色明空外，但覺朝寒到夢間。
誰子騎驢吟灞上，何人跋馬客藍關。
爭如睡熟蒲團上，靜聽儂鴉啄屋山。

起巖又送立春日再得雪詩亦次韻 范成大

十分佳景媚冬殘好事天心不復慳已遣梅花斜竹外
更飄瑞葉向人間漁簑晚色都堪畫羌笛春光亦度關
想得東風來處路白銀宮闕鎖三山

次韻袁起巖瑞麥此麥兩岐已黃熟其間又出一

青枝亦已秀實傳記所未載也 范成大

民和神福固其宜况有仁先四者施吳福卽看收再熟
周年先已秀雙岐蕙風半老黃金穗梅雨重春綠玉枝
樂不可支聊發詠田間日月是芳時

次韻表起巖甘雨卽日應祈

范成大

天遣賢侯惠此州，隨車一雨緩千憂。
藥寮坐看雲穿屋，蓮棹歸將葉蓋頭。
三伏涼來那易得，百年飽外更何求。
合詞但祝爲霖手，蚤侍薰絃十二旒。

次韻表起巖送示郡沼雙蓮圖

范成大

珠淵玉水折方員，湧出雙蓮照酒邊。
壓倒小湖三級草，會光後沼兩重蓮。
菴華名字元相並，桃葉根株本自連。
好把吳歛翻楚些，楊荷新曲勝當年。

次韻表起巖喜雨

范成大

使君精禱動仙靈，月御俄從畢噉經。
昨夜雲頭隨皂蓋，今朝雨脚挂青冥。
池光拍岸浮州宅，湖面粘天漲洞庭。
賸採吳歛歌，歲事傳歸擊壤詞中聽。

再次喜雨詩韻以表隨車之應

范成大

仙篆驅龍効水靈，佛螺吹梵演雲經。
何煩礎汗生蒸潤，便借爐薰作晦冥。
一念故應周法界，萬神元不隔明庭。
呂時圭璧形聲應，不似周詩莫我聽。

三次喜雨詩韻少仲嘉頌

范成大

鄉非賢牧政通靈，幾負松陵耒耜經。
天籟侵晨占少女

雨師連夜撒元冥作霖豈必求尚野召見誰能右漢庭
聞有追鋒傳好語從今側耳爲君聽

寄題林景思雪巢六言二首

范成大

大地九水徹底小巢四壁俱空只有梅花同調雪中無
限春風

何處溫泉火井誰家熊席狐裘堂燕幾番炎熱冰燂一
繭綢繆

萬境人蹤盡絕百圍天籟都沈惟餘冷澹生活時復懔
鬚凍吟

元夕泊舟雪川

范成大

蓮炬光中月自圓
人情草草競華年
最憐一夜旗亭鼓
能共鐘聲到客船

送同年萬元亨知階州二首

范成大

老我曾班萬里春
憐君飛棹也浮秦
當年千佛名經裏
又見西遊第一人

路人南山舊
處處叢油油
清渭照牙旗
古來百戰功名地
正是鷄鳴起舞時

十年關隴困科輸
聖德如天盡稿餘
臨遣中和二千石

好乘春日下寬書

次韻表起巖常熟道中三絕句

范成大

小雨蕭寒破晚晴
疎疎密密滴簷聲
烏鴉盤舞黃雲亂
早與商量雪意生

吳禪難勝四牡駢
扁舟辛苦鑿冰歸
簡書鞅掌吟詩苦
併與東陽減帶圍

使君橫槩賦詩回
斷取天風海雨來
綵筆從今閑不得
雪花梅蘂一時開

次韻表起巖許浦按教水軍二絕句 范成大

橫波組繚試揚舲風捲魚龍海欲凝但得錦袍如款撥
何妨鐵甲冷如冰

戈船戰棹疾如飛莫道潮沙殿海圖草秦直須窮利病
奉身從此繫安危

次王正之提刑韻謝袁起巖知府送末利二檻

范成大

千里移根自海隅風飄破浪走天吳散花忽到毗邪室
似欲橫機試病夫

圖寢香中暑氣清更煩雲鬢插瓊英明粧暗麝俱傾國

莫與礬僊品弟兄

再賦郡沼雙蓮三絕

范成大

館娃魂散碧雲沉作雙葩寄恨深千載不償連理顯
一枝空有合歡心

池光欄檻倚斜暉把酒看花醉不歸但許鴛鴦相對浴
休驚翡翠一雙飛

兩岐秀罷已蒿萊春意還從齒齒回不是使君和氣發
此花應向別人開

濯纓亭在吳興南門外

范成大

凄風急雨脫然情當道橫山似見迎野水茫茫何用許
爛供遊子濯塵纓

題米元暉吳興山水橫卷

范成大

道場山麓接何山影落苕溪浸碧瀾只欠荷花三十里
檝頭船上把漁竿

弔陳叔寶祠

范成大

賞心亭上再來遊烟月迷人獨自愁行到江邊無路去
却隨潮水過揚州

證道寺次毛東堂韻

程九萬

二載塵勞薄宦身雙峯幾憶舊家鄰
甫能再上陽城考更有一年孤負春

游湖州題顏魯公祠堂

童敏德

挂帆一縱疾於鳥長興夜發吳興曉杖藜上訪魯公祠
一見目明心儼儼未說邦人懷使君且爲前古惜忠臣
德宗更割盧杞相出常斯位誠艱辛生逆龍鱗死虎口
要與乃兄同不朽狂童希烈何足罪姦邪嫉忠假渠手
乃知成仁或殺身保身不必皆哲人此公安得世復有
洗空凡馬須騏驎

別林景思

尤袤

二年無德及斯民，獨喜從遊得此君。
囊之一錢窮到骨，曾蟠千古氣凌雲。
論交却恨相逢晚，別袂真成不忍分。
後夜相思渺空濶，尺書應許雁知聞。

禪師塔

陳貴誠

舊到烏回寺，相迎識短筇。
重來已無跡，今去欲安從。
春曉空啼鳥，巖枯吼夜龍。
諸天圍繞處，重聽一樓鐘。

題林景思雪巢二首

釋道全

不嫌茆把蓋，頭低爲愛平。
簷野雪迷自與蘆花夢，明月

夜寒空悞鶴來棲

田地虛明不受塵巢中人是箇中人勿言一色渾無迹
月到梅梢亦轉身

大雲寺清泉池

長興

王天覺

溫泉湧欲拂冷泉寒欲凝炎涼易本性可恠浪得名豈
若吾鄉泉徹底天然清亢陽不枯涸潦水無滿盈根地
遠塵穢萬古常泓澄照破鬼神膽鑿出天地情輝臨無
迹形大匠來取平一酌沃煩慮再酌肢體輕三酌換仙
骨玉女遙相迎休謂鄉名由此得謾說餘波及民耕且

說我飲此泉後便覺脚底青雲生喚起伯夷出首陽推
倒盜跖埋東陵是時清氣塞宇宙貪夫往往神鬼驚稽
首朝玉皇驅駕蒼龍精
甘澤康濟吾生靈爲我
謝滄浪止可濯吾纓

港灘

八閩志

倪思

長幾賴石三百里險過瞿唐十八灘幸有溪旁平穩路
何須欲速冒驚湍

作南塘記郡守沈持要以詩來謝次韻奉酬

陳傳良

周公作雅頌退然在商風功成貴無迹各大謗亦叢彼
人自標置刻畫豈不工君看榛莽間斷碑臥頽墉想當
在世時拳拳効深衷胡然今弗省身後議論公達人悟
物情玄覽昭有融區區強名我吝爾來何從沈公天下
士於今萬夫雄邦人見未嘗賞之口不容請將氏南樓
語盡意未_已公詩陳誼高恥與好事同年登百廢興解
后吾何功勇去學休影倦游謝遺蹤吾方笑征南雙雙
勒堅珉一以棲山顛一以沒水中

和郡守沈持要賞柑之什

陳傳良

滄海無波日萬艘山農困廩自相豪爭看紫橐行阡陌
可對黃柑負酒醪曲水一觴隨意集成都千騎宸頭遨
風流儒雅誰公似增得東嘉地望高

東都門外問征艘去國身輕亦太豪誰可對床聽夜雨
自於同社燕春醪不知溫詔從天下又罷幽尋與世遨
從此宜休堂下夢顧瞻松柏爲誰高

仰止苕溪近一艘幾年猶未識人豪黃堂爲客知何夕
白髮從公飲此醪四海衣冠多後進兩朝几杖舊同遊
令人仰視冥冥翻不道微風燕雀高

和沈帥持要張漕季長韻二首

陳傅良

欲杭一葦近聲光，恨不先期燕子涼。
舊學甘盤聊此日，

倦游司馬尚他鄉。別從滄海山橫斗，

謂別沈於永嘉華蓋山下來自

岷嶽水濫觴，不謂偶成三楚客。得爲蘭杜附諸香。

麾節元戎祖席光，晚風吹雨借初涼。
師傅問訊誰書院，石刻摩娑是道鄉。
聞有先聲來召駟，想無後會到流觴。
路朝正設橫經席，冊府重紉辟蠹香。

送沈帥

陳傅良

甘盤夢不入高宗，四皓莫知其所終。
傳野有人能論學，

漢庭無事可言功行藏於此嘗成趣談笑從今得還公
分付諸兒理民社宜休堂上聽松風

送倪正甫侍郎賀正

陳傅良

雪析冰芽又復春中原快覩屬車塵懼呼漢節從天下
愕立胡兒夾道陳老去猶慚身儼寒君行決意問經綸
顧瞻河洛關心處應記幽燕用事人

和沈守持要觀潮閣留題

陳傅良

平生欲賦觀潮閣立盡斜陽倦復還一日江山蒙筆力
百年名字滿人寰郡從晉宋風流後詩到蘇黃伯仲間

向去摩挲看石刻誰知功在十年閑

公閑居十年

和沈守持要題謝公樓額

陳傅良

危樓何在水雲中穿市牙旗退自公閑作此來橫笛夜
愛看人醉落帆風歡呼夾道江聲合硬語蟠空客技窮
姓字從今聯沈謝不知千古更誰同

沈守生日

陳傅良

燕寢凝香不記春宜休堂下柏輪囷三吳南渡今多士
四皓東宮此一人雅不欲書名上上設令在處歲隙隙
玉卮宴罷思黃髮應合從頭第從臣

觀南塘四首呈沈守

陳傅良

曾不容舳舄尺間誰知救溺合纓冠
今從枕席人行過
最好翻盆雨後看

夾道歡呼百里間
不論扶杖與勝冠
公年幾許顏何似
遲放牙樞待我看

樂在宜休水竹間
十年黃帕裹朝冠
却乘五个花文馬
來與江村婦子看

別乘潘郎伯仲間
竭來公適去
彈冠更將未盡公碑意
收入新詩爲並看

袁起巖會飲湖上出示古刻酒罷各携桂花以歸

因成一絕

陳傳良

湖光不動見魚蝦
敗紙殘編數十家
巖桂叢中三四客
醉歸人得一瓶花

又和

陳傳良

湖上簾須半捲蝦
調冰雪藕各名家
有人不解長安飲
話極茶鐺吸井花

辭靈康廟留題

時赴湖北憲

劉坦之

木落天高廟妥靈
去來潮汐繞山青
青年登民俗饒怡
樂

海近蛟虬入杳冥萬里一身頭既白清樽三奠德惟馨
出門更合燒沈炷青草連雲接洞庭

寓天台水南四首

林憲

小雨淒暮春入夜寒更作泠泠竹間風振我衣袂薄野
田鳴流泉密樹紛翠幄躡屐徐我竹長懷付寥廓

懷古不知寒洗心忘百憂怡然方寸地得與賢聖遊南
澗今泉甘北山今雲幽彼紛今何之茲盤今吾留

春雨暗前山春雲行遠林月落鷄犬靜誰聞梁甫吟魏
巍兮高山泠泠兮好音誰聞梁甫吟惟恐山不深

夔臯不著書周召不決科端坐廟堂上四海臻泰和此
道固如是後來文藝多嗒然空山中獨抱明良歌

天台萬年山羅漢樹

林憲

羅漢嶺頭羅漢樹開闢餘工所鍾聚百圍直上摩紫霄
鐵剝岸空自無蠹積年魔恠不敢棲暫過鸞凰却回顧
初晴偃榦凝雲霓欲雨蟠根起煙霧聲回浪吼東海鯨
影落雲侵石橋路氣陵太古化兒驚勢壓群材梓人懼
陽開陰閉資指南地彌天承賴撐拄凡斤俗斧遠逃逃
黛色蒼皮未須疏巖靈樹異如相語傑葉豪柯翠雲覆

水霜坐閱無古今，合抱雲仍仰雄據。豈同澗梓與壑枿，
未歷千年隨草腐。我來駭識天下奇，斗酒澆之共軒翫。
行人莫擬明堂柱，險徑無來萬牛處。盛時要用真棟梁，
宜使巖危可平鶩。指呼刊鑿動六丁，匠氏仍煩修月戶。
輔隆廣廈蔽蒼生，何止增華萬年趣。懸崖黯慘陰風吐，
振谷徘徊忽號怒。纖梢嘯舞山雨來，石走雷轟鬼神怖。
未容造次搜奇句，五百尊師所呵護。

丹丘書懷

林憲

靈鳳山前花片飛，讀書窓下碧雲棲。斷崖流水春不盡，

苦竹紋禽日夜啼，禽聲不歇日欲暮。
一點清燈照環堵，鎮卸挂壁龍影寒。
默坐焚香聽春雨。

梅花二首

台州郡圃作

林憲

陵晨汲山泉盥洗，甫云暇徐行脩竹間。
小立踈梅鐔尖風耿薄，日色影寒相射幽。
香定有無紋禽踏花卸，池邊石陂陔水光上梅梢。
石上古隸字，鐔剥風蕭騷。樹老花秀發，水生香動搖。
只恐字磨滅，不愁花寂寥。

台州兜率寺淳熙三年孟春作

林憲

一榻江色近夜氣，欲空濛柔櫓晚潮上。
寒燈深樹中，四

山杳煙霧月華忽陵空我亦衆念息簾影空玲瓏

春江潑天明蕭寺踞山塢荒堦下鳥雀古木颯風雨徐
行石苔花徒倚望江渚日暮山更寒簷頭鈴自語

寺門闕南江江勢浩相嚮風雲互吞吐山色豁林樾潮
頭捲飛煙白雨挾春漲中夜鷺鷥喧誰家海船上

月色半古寺蟲聲雜疎鐘江城繚山色星斗搖空濛徐
行不自覺徙倚樹影中忽然變煙雨江上東南風

老樹半藤蘿野色人窓戶空明浮屋梁蕭爽發幽趣晚
涼進微風平江瀉煙霧露夕山月來蟬聲發高樹

史君沈虞卿宗丞命賦郡圃羅漢樹其樹葉如楊
梅經冬不凋生子若羅漢然史君云奇特古怪

前所未見也

林憲

參雲亭前羅漢樹非檜非杉獨雄據蒼皮剝落珊瑚寒
錯節輪囷海花蠹脩圓佛指葉沃光刺歷蝦筒槎倒豎
銅柯不受鴟蝮穿翠葆還容藤蔓附藏牙斂翼方屈蟠
奮鱗張鱗忽馳驚突如破浪六鰲迴蛟若驚雷螿蛟吼
摩空颺颺永夏涼薄霧慘慘晚秋雨白猿叫月時出沒
紫鳳棲煙乍飛舉

郡人相傳樹有白猿出於月明之時
慶曆中有禽若鸞鳳而紫色棲於晚

烟中開花瑣碎兒女笑結子模糊羅漢具威儀莊蕭初入
定向背跏趺欣共任蒙頭大偈安禪時瞑目還同摩頂
處得非天台五百僊此地鉢提曾得度偶然一念落樹
石不覺形骸成布露何時收拾過石橋未免根株伴龍
頭更疑地主屈將軍開闢巖荒肇城宇翦除魔怪迎道
藏飛錫半千此焉駐神通墮在造化中千載英靈飛不
去犀堅久矣耐風霆袴散非徒免斤斧盆山秀聳不足
論猊座婆娑通一路崢嶸下笑桃李繁奇怪應須鬼神
護史君自是名世才善政報成多暇豫悠然領客上參

雲篆隸傳觀，酒深注平生。好古丘壑會，指樹軒渠命之。
賦我無文章，光焰長搜攪。經時之佳趣，昨宵夢遊茲樹。
巔環視谿山，莽回互上雲。變幻舞龍鸞，下風清和寫韶。
獲最高峯，在樛枝底。方廣寺隨纖葉，寓一枝一葉一沙。
界應供各談無義句，啟予一嘯誰噓。然八表泠泠，樹掀
翦。

題國清寺清音亭

林憲

水從東塔來，却打西澗過。八萬四千偈，爲我細說破。困
來石上眠，夢繞泉石間。山鬼披三衣，山靈鑿佩環。

宋人編天台集我湖宦寓者如葉清臣吳可幾姚舜
諧太史章周之深劉坦之及憲皆有詩憲詩不及盡
錄

題李伯時飛騎習射圖

缺文

章良能

紅綃低繫柳枝碧滿滿關弓斫繁射

題孟東野聽琴圖因次其韻

樓 鑰

誰歎住前谿夜深以琴鳴天高顙氣肅月斜映踈星椽
林助蕭瑟泉聲激琮瑋彈者人定佳能使東野聽冥帶
不立朝遙夜坐空庭龍眠發妙思神交窮杳冥不見彈

琴人畫出琴外聲郊寒涼如對作詩太瘦生恨不從之
游撫卷空含情

程文簡公挽詞

大昌

樓 綸

論著大哉堯英聲早已昭橫飛欽遠業特立仰高標言
議超千載風猷聳四朝惜乎經世學不及拜金貂

太上崇耆舊龍鱗手可攀胡爲遜荒野竟復老商山漢
閣頌綸渥瀛壖擁旆還靈光遂隳迹西望涕空潛

設卦探羲畫隨山窈禹謨仰天真見象畫地可成圖健
筆凌前輩殘膏泱萬夫登門嗟最晚猶得覘宏摹

沈憲敏公挽詞

樞

樓 鎗

天使魁鄉薦上令卿改官蚤我烏府豸終著侍臣冠持
節威行惠專城猛濟寬紹熙多舊學胡不相宮端

第二句有誤

仕宦接王楊諸公嘆老蒼門生多紫禁子舍屢黃堂自
得垂車樂誰傳却老方桃花千樹滿空憶舊劉郎

徐逸今非介申張焉得剛立朝無附麗受謫更芬香戲
綠衣冠盛圍碁日月長典刑今已矣無復歸靈光

持論真遺直操心本至公羸貨寧市寵平寇不言功光

祿文階峻嘉興色養豐誰能死生際猶得教之忠

晚出荷公知登門未覺遲通班依漢橐試郡守蕭規藻
翰猶類寄宮牆不再窺新阡何處是西望不勝悲

周左司挽詞

頌

樓 鑰

從砂心無媿敢言人所難精忠憂世切清節照人寒交
臂失持橐乞身終考槃老成今已矣西望涕洟漣

乙丑慈恩會今幾六十霜輶車來握節相府記傳觴詩
藪懷高隱郵筒見短章不堪千里隔丹旄想飛揚

送倪正父侍郎使虜

樓 鑰

經帷親見犯天顏口伐何勞抗可汗故國應悲周黍稷
遺黎猶識漢衣冠殊鄰諜報終難測累歲要盟恐易寒
馳至金城上方畧始知頗牧在金鑾

爲倪正父尚書題壯懷堂扁以詩來謝次韻

樓 鑰

久矣君宜任弼諧早隨名駟上天階幾年不作相逢夢
一日俄傾積別懷情厚夫君幾鮑叔愚如老我類高柴
它時戶冊爲懸後直欲扁舟訪水涯

送倪正父尚書守南徐

樓 鑰

君如春柳我如松晚歲重逢意愈通日日公餘搜理窟
時時史暇樂談叢友朋罕有心相照兄弟惟應姓不同
此別未知何日見摻祛無語對西風

滿腔忠膜與嘉謨空洞它無一物餘有語莫非憂國志
欲行猶上薦賢書已欣勇退成清節更喜高眠卽故廬
廊廟須公經濟手不應欽惠向南徐

幾回去國向吳興出處雖高事不平茲以優恩臨北固
不妨禁直寓西清美君決去行何速媿我求歸計未成
浙水東西又千里壯懷堂上未忘情

題施武子所藏醉白堂記

有序

樓 鏞

醉白堂記相臺舊刻已不多見施武子得太清樓所
藏真蹟一代奇寶也魏王尚友香山坡翁詞翰兩絕
畫錦故居昔嘗以假吏過其門巷恨不一到其處太
清圖書流傳至此撫卷無非可歎者事至今日歎又
不足爲之慟哭可也

堂名醉白尚存不詞翰輝光射兩眸天下曾除蘇氏學
禁中却有太清樓舊碑於世已難見真蹟惟君乃得收
感歎不堪哀淚落林慮山水空流

魏土以相州城中
無水於林慮山引

水入城貫第中
溢爲灌溉之利

次韻李孟達使君與林雪巢子李武詩

樓鑰

古梅巨石瞰清池
觴詠曾陪老啟期
別我遂成千古恨
傳家空有一編詩
使君尚爾悲陳迹
處士惜非同此時
若使南樓與清賞
胡床應奉庾元規

題施武子所藏老融二牛圖

樓鑰

惟哉淡墨掃人牛
一笛橫風各自由
平日深知馬用處
如今但欲老西疇

烏犍離立意遶遲鞭策俱忘取次歸
騷跳風仍却顧
老融於此露天機

溽暑後出東城村步

袁詭友

多病愁如許催人暑奈何
簷窮風有限雲薄雨無多
浪卷連村麥珠旋小葉荷
炎涼苦多變四月未清和

蕭容借重金紫綬

袁詭友

平生青紫濫紆身更冒金章
蕭使賓何似假爲誠豈敢
烏知非有笑無因猿狙自是羞
華服鶴鷺姑容接後塵
回首紛紛天下事有時宜假不宜真

許浦按教水軍

表詒友

小臣御命入雲屯，聖主如天詔語溫。
萬甲衝風隆士氣，一言挾纊荷君恩。
頗驚霹靂燒戎旅，更想鸞臚上海門。
欲挽長江問豪傑，豈無擊楫嘆中原。

雲巖

以下令鉛山作

章謙亨

造化雕鑄巧，真成一洞天。
曾將脩蟒逐，却許點龍眠。
石現金剛足，泉流仙客田。
炷香吾道者，色體尚依然。

章巖

章謙亨

傑石何空洞中藏，一寺幽不須禱天。
當時覺有雲浮蟻。

吐半輪月鯨吞萬斛舟茲巖本同姓欲去且遲留

西湖觀梅

章謙亨

梅在西湖上精神別一般喜供詩客賞怕與俗人看映
水林文瘦依山范叔寒生平逢此友更覺酒腸寬

不費東君力常先草木榮魏徵元斌媚夷甫太鮮明有
色誰同潔無香可比清飄零惟不惡羌笛任渠橫

臘寒徹骨越精神吐盡清香不待春華屋芳筵猶惡俗
竹籬茅舍只安貧湖烟籠處難藏艷窓月飛來爲寫真
自得孤山題品後至今偏解惱詩人

祖教寺

章謙亨

出郭尋芳作野行
岩高壑曠水流聲
草亭日午鸚啼巧
竹院更深月色明
寶殿鱗鱗章佛界
珠簾卷卷向山清
悠然一榻渾無夢
時有溪聲枕外生

飛鳥遺音入翠林
轉教柳外和鶯吟
岩留雲雨過朝暮
寺枕溪流亘古今
客過端陽欣採艾
僧嫌破衲懶縫針
盃中蒲酒休辭醉
目斷青山有遠心

藝文補卷之五十一終